

PM Visit Mauritius

وزیر اعظم نریندر مو دی گو ما ریشس گو 2 روزہ سرکا ری دورو منگل واریں شروع وے گو۔ خارجہ سیکریٹری وکرم مسری نے اُجاگر کیو، جے بھارت ما ریشس تعلقات ڈونگا ایں۔ اپنا دورہ غے دوران وزیر اعظم مو دی گو ما ریشس غا قومی تہاڑا ور مہمان خصوصی غے طو ر شرکت کریں گا۔ اس سلسلہ غی تقریبات مانہہ بھارتی دفاعی دستاں گو اک دستو وی حصو لے گو۔ قابل ذکر ہے جے وزیر اعظم غا اس دورہ گو مقصد دو طرفہ تعلقات مضبوط بنانا ہیں۔

JK Govt

جموں کشمیر سرکا رنے کہیو جے جموں کشمیر غی پچھلا مالی سال غی گل دین داریں 1 عشریہ 25 لکھ کروڑ روپیہ ایں، جن مانہہ جی پی ایف نال منسلک 27 ہزار 9 سو کروڑ روپیہ وی شامل ایں۔ اسمبلی مانہہ اک تحریری جواب مانہہ وزیر اعلیٰ عمر عبداللہ جھپڑا وزیر خزانہ وی ایں نے کہیو جے 31 ما رچ 2024 تک جموں کشمیر غی گل دین داریں 1 لکھ 25 ہزار 2 سو 5 کروڑ روپیہ تھی۔

National Lok Adalat

جموں کشمیر مانہہ جھگڑاں گو فو ری سستو تے دوستانہ حل فر پکو کرتاں واں سال 2025 غی پہلی لوک عدالت کل یوٹی پھر مانہہ کامیابی نال منعقد کی گئی۔ مذکورہ عدالت جموں کشمیر تے لداخ ہائی کورٹ غا چیف جسٹس، جسٹس تاشی ربستان غی قیادت مانہہ منعقد ہوئی۔ اس لوک عدالت مانہہ گل 1 سو 65 بنچاں غی طرفوں 1 لکھ 99 ہزار 8 سو 53 معاملہ ہتھ مانہہ لیا گیا جن وچوں 1 لکھ 88 ہزار 4 سو 22 معاملہ دوستانہ طریقہ نال حل کر لیا گیا۔ اس سلسلہ مانہہ بکھ بکھ معاملن تیں اکھٹی ہوئی رقم 59 کروڑ 4 لکھ 49 ہزار 3 سو 91 تک پُجی۔ قابل ذکر ہے جے اگلی لوک عدالت مئی 2025 نانہہ جد کہ خصوصی صارفین عدالت 26 اپریل 2025 نانہہ منعقد وے گی۔

Sakeena Women

سماجی بہبود تے تعلیم غی وزیر سکینہ ایتو نے کہیو ہے جے خواتین ہر شعبہ مانہہ آگے ایں، تے سماج نانہہ بنان مانہہ اک نمایاں کردار ادا کر رہی ایں۔ اُنہاں نے جنسی برابری خواتین غی با اختیاری تے اک سماج غی مجموعی ترقی ور زور پایو۔ کنونشن مرکز مانہہ خواتین غا عالمی تہاڑا غا موقع ور موصوفہ نے تمام شعباں غی خواتین غی تعریف کی، تے کہیو ہے ویں رُکاوت توڑ غے قوم سازی واسطے خدمات دیں۔ اُنہاں نے داغ

تے نشیلی دوائیاں غی بدعت ور وی گل کی اور اکھٹا ہو غے کم کرن غی ضرورت ور زور پایو۔ اُنہاں نے خواتین غی بہتری غی حمایت کرن واسطے وزیر اعلیٰ عمر عبداللہ غو وی شکریو ادا کیو۔

CS Meeting

چیف سیکریٹری اتل دُلُو نے قدرتی آفات غو مقابلو کرن با رے بندوبست محکمہ غی اک میٹنگ غی صدارت کی، تانجے جموں کشمیر غا ما ٹگرینٹاں غی باز آبا د کا ری با رے کوششاں غو جائزو لیو جا سکے۔ اُنہاں نے میٹنگ غا اہم نقطان ور زور پایو۔ موصوف نے کشمیری ما ٹگرینٹاں غی مشکلات غا حل با رے پو رٹل نانہ تازہ کرن تے موثر طریقہ نال مسائل حل کرن واسطے نوڈل افسراں غی تقرری غو حکم دتو۔ میٹنگ مانہ پا کستانی مقبوضہ جموں کشمیر اور مغربی پاکستانی رفیوجیاں واسطے رسائی مہماں غی پیش رفت غو جائزو لیو۔ اس موقع ور بکھ بکھ بنیا دی ڈھانچہ پروجیکٹاں غی صورتحال غو وی جائزو لیو گیو جن مانہ سُکیتر مانہ پی او جے کے بھون اور جگتی مانہ کمیونٹی ہال قائم کرن غے نال نال ان بے گھر لوکاں غا گُجھ ہو ر مطالبات وی شامل ایں۔

Khelo India

کھیلو انڈیا سرمائی کھیڈ 2025 غو دوجو مرحلو اج جموں کشمیر غا گلمرگ مانہ شروع ہو ریو ہے۔ اس سلسلہ مانہ سکینگ تے سنو بو رڈینگ جیسا برف سنگ منسلک مقابلہ منعقد ہو ریا ایں۔ اس سلسلہ مانہ دوجا مرحلہ غی کھیڈاں غا مقابلان غو نقشہ کار پچھلا مہینہ غی 22 تیں 25 تا ریخ بشکار ہون واسطے بنایو گیو تھو وہ گلمرگ مانہ برف کھٹ ہون غی وجہ نال موخر کر دتو گیو تھو۔ اس تیں پہلاں اس سال غا جنوری مہینہ مانہ لہیہ ضلع غے اندر ان کھیڈاں غو پہلو مرحلو منعقد کیو گیو تھو۔

Cricket

کرکٹ غا سلسلہ مانہ اج بھارت تے نیوزی لینڈ آئی سی سی چمپئنز ٹرافی غا فائنل مقابلہ غا ضمن آمنے سامنے ویں گا۔ یوہ مقابلو بھارتی وقت غے مطابق بعد دوپہر ڈھائی بجے شروع وے گو۔
